

續修
濟陽縣志

新野堯遠題
第二冊



濟陽縣志第二冊目錄

卷二 建置志

城池

廨署 附公共處所

坊表

祠廟 附寺觀

森林

卷三 戶籍志

區域 附約莊

鄉鎮

濟陽縣志

第二冊目錄

戶口 附統計

卷四 賦稅志

田賦

附捐

驛費 附兵餉馬政

倉儲

鹽政

課稅

蠲賑 附郵政

濟陽縣志卷二

建置志

城池

廨署

附公共處所

坊表

祠廟

附寺觀

森林

土木之興最煩民力邑自金天會置縣官司俱備規模畢張延至清季無大興作其著者不過城池官廨之補修城隍孔廟之增建而已民國肇造百事繁興欲謀新政之發展首在建設之完全志建置

城池

語云金城湯池萬世之業故古者建郡置邑必首先注意及之濟城創自金代風剝雨蝕以迄於今垂八百年而大

濟陽縣志

卷二 建置志

城池

一

致完好如故亦巨觀也故首列之

金

天會七年置縣建土城周圍四里高二丈八尺址闊二丈上廣一丈池闊一丈餘深八尺為門三東曰仁風西曰泰和南曰清陽上皆有樓舊懸鐘於南樓之上焉

明

成化十八年縣令張鏜以舊城日低未及二丈餘復為捐修增而高之

成化二十一年縣令張端以邑患卑澇乃疏通水道引城中水入池以達於河城傍植柳樹數千株以固其基居民稱便

萬歷四年縣令祕自謙易土以磚

萬歷十九年縣令蔡惟忠環城建敵臺十五座因臺起堡亦如之
萬歷三十七年縣令侯加乘以城漸傾圮復營繕之自塚口敵臺
以至馬道城樓城壕俱加修葺

隆慶丁卯後城北上建大堡三間以扶主星城東南建堡一間以
當文峯北關舊有水患因築堤障之南門增高者三尺東門外
舊鋪久廢爲瓦礫場乃創建關壯繆祠祠後仍建屋五間爲郵
舍

按舊志云邑舊稱才藪科第甚盛自隆慶丁卯後四十餘
年無一登賢書者經青鳥家言照以上改建後文風大振

濟陽縣志

卷二 建置志

城池

二

邑人頌祝以爲轉移之效蓋鍾靈毓秀形勝使然要不可
以堪輿可據啓人迷信心耳

清

康熙六十年縣令司徒珍捐資重建城樓堡堞及譙樓等識諸碑
移南樓鐘於譙樓之上

乾隆二十五年縣令胡德琳繕修三門城樓又移置奎閣於東南
城隅以當文峯

乾隆五十七年縣令魏禮焯領帑重修至五十九年四月二十九
日工竣煥然一新

咸豐十一年縣令楊汝綬勸募捐款將城垣東南兩段塌缺處所

修補見新

同治六年縣令汪昉將城樓城牆城堞口並炮臺凡有坍塌殘缺之處一律修築完固

中華民國

民國十七年縣令楊光衡將三城門及門樓重新改建並將東門改爲中山西門改爲振武南門改爲中正

民國十八年春縣令李景福督同地方士紳徵集民夫將城牆裏面用土培成斜坡形以固基礎並將城外牆面上下修補見新城壕亦略事挖掘

民國十九年夏間晉軍入城將城牆挖掘壕洞以作防禦工事大

好城垣竟成破壁縣令路大遵又招集地方士紳鳩工修補斬新可觀

按城池爲一邑根據地修廢舉墜乃有司者之分內事非徒以壯觀瞻乃所以衛民庶也自乾嘉後本邑城池屢有修補惜碑碣不載檔案無徵或以工程弗巨未致煥然故略之

廨署 附公共處所

濟邑官廨自金阜昌八年創建規模宏大頗壯觀瞻厥後風雨剝蝕迭經賢有司相繼修葺特日遠年湮檔案散佚所願父母斯民者既不可視爲傳舍亦不應徒營華屋俾全縣二十八萬民衆咸得安宅之是居則幸甚矣

縣署在城內東北隅南向金阜昌八年縣令徐弼創立

譙樓五間上懸大鐘高四丈六尺明成化年間縣令張端建康熙五十三年縣令司徒珍重修乾隆二十五年縣令胡德琳增修並置鼓其上嗣雖屢有修補日漸傾圮至民國十七年縣令楊光衡改建爲縣政府大門題曰濟陽縣政府規模宏大形勢亦

濟陽縣志

卷二 建置志

廨署

四

頗覺改觀云

旌善亭在譙樓外西向久廢

申明亭在譙樓外東向久廢

儀門三間民國十七年縣令楊光衡改爲二門

大堂三間抱廈三間明成化年間縣令張端建清順治四年縣令解元才顏曰牧愛堂康熙年間縣令司徒珍重修嗣屢有修葺年分無考至民國十七年縣令楊光衡改題曰大禮堂

二堂三間明萬歷年間縣令侯加乘建顏曰卜居乾隆年間縣令胡德琳重修改題曰味韶堂光緒年間縣令陶緒泰重修民國十七年縣令楊光衡改題曰法庭二十一年縣令路大遵重新

修築規模益形宏闊

三堂三間清順治年間縣令解元才改學道堂康熙辛巳縣令房之麟重建乾隆壬午縣令胡德琳重修嗣雖屢有修葺年分姓氏均無所考至民國二十年縣令路大遵籌款重修始煥然一新

宅後鞏濟樓一座明崇禎十三年縣令樊吉人創建清乾隆年間縣令魏禮焯重修

會議廳一座辦公廳一座均在三堂東民國十七年縣令楊光衡新建

主簿宅舊在縣署東久廢

濟陽縣志

卷二 建置志

廢署

五

典史署舊在縣署西久廢

北察院舊在縣署西北原係太僕分司久廢

布政司舊在縣署西久廢

按察司舊在縣署東久廢

演武場在城北一里逸志大門三間正廳三間退廳一間將臺一座俱萬歷十一年縣令李四維重建久廢

陰陽學醫學均在南關縣令張端建久廢

僧會司舊在縣治西久廢

道紀司久廢

按以上館舍雖已久廢其地基方向或可追尋尚望負地

方之責者設法清理詎可以案關公產聽其湮沒已耳

預備倉四十間保赤倉四十二間俱在縣治西逸志萬歷三十年
縣令李祝建久廢

常平倉在縣署西北一在大堂外西南角共四十間計天字廩三
間地字廩三間元字廩五間黃字廩五間仁字廩三間義字廩
三間禮字廩三間智字廩三間孝字廩三間弟字廩三間忠字
廩三間信字廩三間俱廢

社倉在南關街北逸志萬歷二十二年縣令黃應魁建義民梁弼
修久廢

商社倉乾隆八年縣令姚述祖於縣署西建蓋倉廩一處稱字廩

濟陽縣志

卷二 建置志

廩署

六

三間物字廩三間平字廩三間施字廩三間曲隄建蓋豐字廩
三間亨字廩三間廟廊廡建蓋裕字廩三間大字廩三間以貯
鹽商所輸穀二十八年併入常平久廢

養濟院一所在城內大寺西土房十九間門樓一座久廢

普濟堂一所在城內南倉衚衕今長慶街舊志瓦房二座共六間
門樓廠棚十四間已廢係邑人艾繼仁同義田捐輸地畝見賦

稅志

按倉廩儲糧乃備荒善政亦當局所亟堪注意者也願有
司及地方士紳有以提倡而舉辦之其亦實現民生之一

端乎

監獄在縣政府二門迤東光緒十四年縣令胡鍾元重修二十一年縣令傅淦重修民國十七年縣令楊光衡重修餘無案可稽自新所與監獄毗鄰光緒二十八年縣令張星源創修今已併入

監獄

民刑看守所所在縣政府東民國八年縣令楊承謨倡議興修浙江督軍盧公永祥揮金傾助本邑八區各有捐輸

見藝文志楊承謨所撰碑記

教諭署舊在明倫堂後久廢康熙年間邑令司徒珍捐率邑人高估募置地基房舍於縣治西爲官署今改爲民衆教育館民國十七年縣令楊光衡募修計中山圖書館三間中山紀念館兩間中山俱樂部三間閱報室兩間古物陳列室五間辦公室五

濟陽縣志

卷二 建置志

廢署

七

間講演室兩間傳達室兩間大門一座

訓導署舊在明倫堂修業齋後久廢縣令司徒珍捐率邑人高估改建於教諭署西民國年間改爲教育局

書院舊在縣治西北久廢

聞韶書院舊在曲隄鎮有聞韶臺一座見古蹟道光四年縣令李若琳改建於本城西北隅光緒二十九年改爲縣立小學

附 公共處所

民團大隊部在縣府宅門西民國十九年建
財政局在縣府宅門東民國十五年新建
教育局卽舊訓導署

建設局在城內西南隅民國十七年縣令楊光衡籌定

公安局在本城西門裏民國十九年縣令繆定葆由地方公款項
下撥款購定

民衆教育館卽舊教諭署

黨部在本城舊城隍廟內

農會在本城舊城隍廟前院

商會在本城中山街路南民國十三年會長艾肇霖募款創修立
有碑記

農事試驗場在舊治西壇地基

救濟院在本城大寺舊址西係道院房舍民國十四年商會會長

濟陽縣志

卷二 建置志

公共處所

八

艾肇霖募捐創建並附設蒿菴祠三間

紅十字分會在本城大寺舊址

縣立女子小學在本城藥王廟舊址民國十八年新建

縣立師範講習所在本城文廟內

縣立小學卽舊聞韶書院地址

第一區區公所所在縣政府西民國二十年新建

第二區區公所民國二十年新建在迴河鎮東街

第三區區立小學校舍民國二十年新建在迴河鎮

第三區區公所在孫耿街西首舊關帝廟

第三區區立小學校舍民國十七年新建在孫耿街

第四區區公所在夏口鎮暫假民宅

第四區區立小學校舍民國十七年新建在夏口鎮

第五區區公所在塚石橋街暫假民宅

第五區區立小學在塚石橋街暫假民宅

第六區區公所在曲隄鎮舊關帝廟內

第六區區立小學校舍民國十七年新建在曲隄鎮

第七區區公所在白橋街暫假民宅

第七區區立小學校舍民國十七年新建在姜家集

第八區區公所區立小學校舍民國十七年新建在仁風鎮

按縣政府及地方各機關各區校舍等工程自民十七後

俱加修理輪奐聿新道濟潔者莫不嘖嘖稱善目爲新濟
陽焉所願當局各盡各職益加奮勉爲父老求生路爲民
衆謀建設勿徒壯觀瞻而盜虛聲是則余之所厚望也夫

坊表

荀氏稱高陽之里鄭公廣通德之門坊表之設由來尚已
吾邑曩時坊表林立今其舊蹟半多傾廢良以木石之質
經風霜雨露之剝蝕未有歷久不敝者然其人果可傳則
坊表之名自不得聽其湮沒故依舊志之所載及採訪之
所得臚誌於左俾後人有所觀感云爾

聖諭坊 縣大堂前

禹淪遺封坊 在縣門前萬歷三十年縣令李祝建

金聲坊 櫺星門外左

玉振坊 櫺星門外右

濟陽縣志

卷二 建置志

坊表

十

德配天地坊 櫺星門東今廢

道冠古今坊 櫺星門西今廢

光凌霄漢坊 儒學門左縣令李祝建

賓興坊 南門外

阜民坊 東門外

從仁坊 東門外

歸化坊 西門外

儒林坊 儒學門左

雲路坊 儒學門左萬歷三十四年縣令李煌建

攀龍坊 洪武丁卯舉人侯忠建

步蟾坊 永樂癸卯舉人張瓊建

冲霄坊 永樂癸卯舉人郭鼎建

經魁坊 永樂甲午舉人魯宗儒建

旌表石坊 正統七年為義民袁景初建在南關街

登瀛坊 景泰庚午舉人王民中建

步雲坊 景泰庚午舉人侯爵建

奎煥坊 成化戊子舉人胡磷建

翀霄坊 天順壬午舉人李達建

恩榮坊 成化己丑進士胡磷建

拔萃坊 成化甲午舉人黃璉建

濟陽縣志

卷二 建置志

坊表

十一

桂林一枝坊 成化庚子舉人邢義建

攀龍坊 成化戊子舉人魯思聰建

繡衣坊 監察御史胡磷建

進士坊 成化辛丑黃璉建

登天府坊 成化癸丑舉人戴禮建

肅儀坊 鴻臚寺序班王福建

鄉貢進士坊 成化甲午舉人黃璉建

進士坊 成化甲辰邢義建

誥贈坊 贈右副都御史黃銘黃璉建

恩榮坊 按察使邢義建

進士坊 宏治乙丑郭濂建

登科坊 宏治己酉舉人胡盛建

甲科繼美坊 宏治辛未進士黃臣建

登選坊 正德庚午舉人王東儒建

登階坊 正德甲戌進士王東儒建

進士坊 嘉靖丙戌江南建

奉天誥命坊 贈僉事郭鏞并妻貞節黃氏建

金榜題名坊 參議郭時敘建

秋官坊 刑部員外郎王旒建

勅贈坊 贈刑部員外王京建

濟陽縣志

卷二 建置志

坊表

十二

給事中坊 兵部都給事中戴夢桂建

御史坊 贈監察御史張遵建

天恩褒錫坊 封戶部主事贈郎中高守賢建

南宮聯第坊 萬歷丁卯舉人戊辰進士高時建

玉節冰符坊 浙江海道兵備副使高時建

恩榮坊 封鴻臚寺序班郭田建

以上大半頽廢仍舊錄之

百壽坊 壽民張起寬年一百一歲建

御賜貞壽坊 新安知縣高自詣妻王氏守節年一百十歲建

恩錫貞壽坊 廩生王公鳳妻高氏建

堅貞接武坊 處士王士宏妻高氏建

貞壽之門坊 處士史育才妻耿氏建

恩錫重榮坊 庠生董恢禮妻李氏
處士董雯妻王氏建

榮褒貞壽坊 處士馬瓚妻楊氏建

彤管清標坊 處士張敬妻耿氏建

節孝坊 監生郝永士妻王氏建

節孝坊 監生周鑑妻洪氏建

貞壽坊 處士馬國祥妻王氏建

玉潔冰清坊 處士呼自評妻劉氏建 以上俱
見舊志

節孝坊 同治十三年何嘉桐妻孟氏建在迴河鎮西街

濟陽縣志

卷二 建置志

坊表

十三

貞壽坊 咸豐十年處士劉衍鬻妻張氏建在北關

光前裕後坊 民國十年浙江督軍盧公永祥建在城西南十五

里盧氏塋田

按坊表之建樹原所以肅觀瞻而示來茲特舊志所在類
多傾廢茲仍舊錄之者俾後之人仰高彌堅瞻前忽後之
際亦未始不大有造於身心也夫

祠廟 寺觀附

春社秋報自古爲昭非媚鬼神欽其德仰其功則薦以馨香陳以牲醴以致其傾嚮之忱而已民國肇建祀典廢除祠廟名稱半歸消滅仍舊錄之亦以建置所關俾後之考古者有所依據焉耳

文廟大成殿五間

東西廡各九間

戟門三間

櫺星門三間

東西角門各一間

濟陽縣志

卷二 建置志

祠廟

十四

神廚二間

在戟門西

神庫二間

在戟門東

宰牲房三間今廢

泮池一區

舊在櫺星門外萬歷二七五年縣令黃應魁移今地有碑記見藝文志

崇聖祠在正殿東舊名啓聖祠今廢

名宦祠在戟門外東

鄉賢祠在戟門外西

忠義祠三楹在明倫堂東

節孝祠三楹在明倫堂西

業神祠三楹在正殿東今廢

明倫堂五楹在正殿後

敬一亭在正殿東南中有碑久廢

射圃在正殿東百步有亭久廢

進德齋三間在堂前西向廢

修業齋三間在堂前東向廢

文昌閣舊名文昌祠見舊志禮樂志在大成殿東舊射圃左萬

歷初縣令趙承芳移置清嘉慶年間縣令李若琳改建於北

城巔民國十九年改爲中山亭

以上見舊志禮樂志

按文廟在縣治西南金大定十四年邑人趙某獻地一區

進士李仲熊率楊彪王彥等請於有司開始創修於二十

四年八月落成凡殿堂齋房庖湏戟門兩廡次第興舉

先聖像及配享從祀俱以位序列焉承安三年太常陳君

大舉記之後燬於貞祐甲戌之兵元監察御史劉君衡達

魯花赤苦思丁嘗屋而垣之以安神主未能復舊觀也至

元三十一年縣令杜溥載建堂殿賢廡及儀門牆垣繪塑

先聖像邑人楊文安公文郁記其事吳興趙孟頫書之

至正間邑人郭英鑄祭器尊壘簠簋之屬皆備明洪武八

年邑人李謙見一切頽毀首闢櫺星門及廟楹兩廡賢哲

儀像咸加修理九年以講堂隘陋復撤其舊加營治焉正

統四年縣令孫慶拓殿廡塑神像成化七年縣令王璉建明倫堂齋號師生燕息之所共四十餘間而廟廡未遑十年都御史牛倖過縣謁廟出粟百石命縣令孫昶訓導鄒祐協同蓋造不三月而殿廡文昌祠一新記之者監察御史江孟綸也嘉靖壬辰縣令孫堂重建殿宇齋舍復儲賦以庾始搆射圃亭移賢宦祠於敬一箴亭之後乙巳縣令劉韶復加增修萬歷六年縣令秘自謙重修廟廡堂齋門屏臺砌牆垣及匾額几案舊無泮池十二年縣令李四維鑿之無坊壁十七年縣令靳惟賢樹之後積霖崩毀二十六年縣令黃應魁移池於內樹壁於外泮有方橋橋有周

欄建東西兩坊羣齋亦次第修舉三十年縣令李祝於廟之東南數十武因城爲臺建魁星閣於其上又改樹光凌霄漢坊爲科甲宏開四十五年邑人郭夢疇增塑先師四配十哲像鑄銅禮器捐田一頃歲出十金賑貧士訓導喬允修爲之記天啓六年縣令李作乂捐金積穀以贍士子七年教諭張芝率邑士重修先聖殿後半毀於兵清順治六年縣令解元才儒學何復元張士珩興修正殿及兩門十年縣令戢民服倡捐重修啓聖文昌兩齋及前後門牆東廡明年復建雲路坊增飾魁樓邑大司寇艾元徵記之康熙六年縣令馬颿修明倫堂及魁樓甬道雲路凌

霄兩坊補葺牆垣邑耆舊邢其諫記之二十四年縣令李能白率紳士裝 聖像及文昌魁星像修兩廡魁樓櫺星戟門泮池照壁明倫東廡齋廚旁門等煥然一新二十五年豎孔子贊碑於大成殿前東側二十八年豎顏曾思孟贊碑於大成殿前西側六十年縣令司徒珍率紳士自大成殿及東西廡皆振新之且購置教諭訓導宅於廟之東北四隅頭（即今教育局民衆教育館）學師居處乃有其地雍正二年縣令郎作霖重修明倫堂乾隆十四年縣令曾廷翰命邑貢生王魁年董役重修大成門啓聖宮明倫堂業神祠廣泮池階砌設鐘鼓禮器及諸匾額名宦木

主臺座秩然完善並刊立平定金川告成太學碑二十年刊立平定準噶告成太學碑二十五年十二月縣令胡德琳履任謁廟後見基址寬平氣勢閎敞自是以後歲有修補皆彌罅漏而已道光二十四年經孔君廣文李生爛輝總其事大加修築輪奐聿新自創修以來未有若斯之堅且備者邑人張觀察範東記之光緒十九年縣令郝崇照倡議重修教諭曹含錦訓導蔡逢吉助之歷八閱月而功成邑廩生王昭度爲之記至民國十八年奉令將文廟改爲孔子廟其他附祀之四配十哲及兩廡先賢先儒一律移入孔子廟內於兩旁分列二長龕分層安奉並將崇聖

祠附祀各位移入孔子位龕內兩旁安奉其餘鄉賢名宦等祠名位概予取消此乃孔廟之大改革亦於以見崇奉孔子者乃崇奉其道德學問人格非徒以廟貌莊嚴相示也至於廟號位次俱詳典禮志

關帝廟 在東門外據舊志係郵亭廢址明萬歷三十七年縣令侯加乘創修清順治年間縣令解元才改建漢壽亭侯廟嗣康乾道同年間均有重修光緒二十一年縣令陳禮森又重修一次至今規模猶稱雄壯云

城隍廟 在城內西南隅孔廟迤西民十七年北伐告成黨化統一打破迷信之風說一時甚囂塵上所有碑碣蕩然無存故創

濟陽縣志

卷二 建置志

祠廟

十八

建何年重修幾次均無可考云

魁星閣 舊志在城西南隅距櫺星門數十武因城爲臺架閣其上係萬歷三十一年縣令李祝建乾隆二十七年縣令胡德琳因邑中科第不振將屆百年爰採衆論用形家言移置城東南隅以扶文脈是歲得一副車爲先兆云嘉慶年間縣令李若琳重修

馬神廟 舊在察院西後移縣署東距馬廠數十武久廢

八蜡廟 在西關外久廢

劉猛將軍廟 在西關外八蜡廟東雍正十一年新建今廢

土地祠 在縣署儀門西乾隆二十七年縣令胡德琳重修今廢

見舊志
禮樂志

藥王廟 在縣署西北民國十八年改建爲縣立女子小學增

火神廟 在北城根今廢

鄼侯廟 在縣署西偏今雜科地增

禹王廟 在大菴窪增

馬塚廟 在李家坊增

總司廟 在城南十五里(卽今之賢一鄉)明崇禎九年創修清

康熙六年重修乾隆五年道光三十年均有重修民國十年浙

江督軍盧公永祥捐款令邑人李應科董役重修

玉皇寺 在城西南平風店南首詳藝文志王昭佑所撰碑文增

濟陽縣志

卷二 建置志寺觀

十九

長春寺 在大菴莊有艾崇僑所撰碑記見藝文志增

釋迦寺亦名大寺 在城內正北東前爲藏經殿東後爲銅佛殿

正後爲白衣殿今廢

泰山行宮 在東關廢

增福寺 在東關廢

玉皇閣 在東關廢

龍王廟 在南關廢

東嶽廟 在南關

三義廟 在南關廢

元帝廟 在南關廢

金星廟 在南關大隄民國十年農事試驗場長高慶華重新建築

三官廟 在西關

慈光寺 在迴河鎮距城十八里民國十九年所有磚瓦移建爲第二區區立小學房舍

大菴院 在迴河鎮西

慧日寺 在孫耿街距城三十六里民國十七年將磚瓦拆卸移修第三區區立小學房舍

彌勒寺 在曲隄鎮距城三十里久廢現改爲第六區區立小學

校址

濟陽縣志

卷二 建置志

寺觀

二十

資福寺 在仁風鎮距城六十里

洪福寺 在仁風鎮

福祥寺 在廟廊務街西距城三十里民國十九年重新修葺改爲豐約六莊家長會議廳

洪濟寺 在杜家水口街距城三十里遺址已改爲第五區區立小學體育場

觀音寺 在洪濟寺側舊志張守道倡捐邑令解元才重修久廢興福寺 在戴官屯距城四十里民國十八年經盛約五莊議拆

磚瓦移於戴官屯西首三官廟舊基改建五莊家長會議廳

圓隆寺 在新市街距城五十里

文殊寺 在夏口鎮距城六十里

積慶寺 在白橋街距城六十里久廢

永安寺 在李家莊距城十里一名永安院清康乾嘉道年間均

有重修民國十二年邑人菅毓藩重修縣令陸錦燧爲之記見

藝文志

慈氏寺 在霹靂塚街距城二十五里道光光緒年間均有重修

報恩寺 在黃郎務距城四十里久圯

資福寺 在羅家馬頭街距四十里

賈媽媽廟 卽南關關帝廟詳軼事志

三里廟 在城南舊傳漢棗唐桑植此

濟陽縣志

卷二 建置志

寺觀

二十一

城隍廟 在仁風鎮按邑有二城隍廟其來已舊謹誌於此

龍王廟 在龍王莊距城三十里原基浸入黃河

三義廟 在孫耿東街民國十七年改建爲第三區區立小學校

舍共三十餘間

北極廟 在廟廊務街邑人江南有記

仲夫子廟 在石門莊距城三十里乾隆年間創修何明禮有記

見藝文志咸豐二年重修

藥王廟 在田家屯距城三十里

泰山行宮 在牧馬莊距城三十里

崇興寺 在王家塚距城十二里寺建自唐明萬歷間邑人王良

相重修捐地一頃三十餘畝乾隆十三年爲強梁霸佔縣令曾清釐故產招僧復業因殿宇傾圮復爲勸募重修邑人爲之立祠民國二十年廢所有剩餘廟產撥歸附近小學

廣福寺 在孟家莊距城二十五里廢

洞元寺 在孟家圈距城十八里

興國寺 在常家莊距城二十五里久廢

李公祠 在本城聞韶書院東偏道光年間邑人公立宣統庚戌年重修有邑廩生張依泮所撰碑記見藝文志

孔廟 一在城西郭家屯明洪武解元王倪創建光緒十八年重修有碑記一在城西南范家莊光緒九年創建有歲貢生宋丙

濟陽縣志

卷二 建置志

寺觀

一二十二

辰爲之記

子夏廟 在卜家莊

蒿菴祠 邑有三處一在本城救濟院前院民國十四年邑人艾肇霖商同地方各機關及八區士紳募捐新建一在白楊店距城二十里有邑廩貢生張家杲所撰碑記一在張家莊距城二十里卽蒿菴故里邑歲貢生席貫一爲之記俱見藝文志

按祠廟寺觀本爲神權時代之遺產物也舊志所載其註明傾廢者已將過半歷於今又百數十年矣風雨剝蝕益形埋沒矧自民十七後黨化維新對於封建時代之建築物更有不克存在之餘地故偶像打倒而後廟產亦半作

別用原有寺觀無蹤跡者甚多茲所以仍錄舊志復將
蒿菴等祠續列之者俾後之人知所考據辨其輕重已爾

森林

森林爲建置之一端然吾邑在昔關於私人種植固所弗禁而植樹造林並未倡導及此故舊志略而不載今增之農事試驗場 在西壇舊址民國五年立場長高慶華以該地沙性太大試驗苗秧不宜遂徧植雜樹以倡林業

苗圃 在城西北十二里民國十五年立白楊榛樹均甚暢茂每屆植樹節前各區來取樹秧分別栽植云

中山紀念林 在西門外民國十八年立

縣有林 在東門外民國十九年立

第一區區有林 在東門外民國二十一年立

濟陽縣志

卷二 建置志

森林

二十四

按造林事業乃當今要政邑爲曠然平原尤宜廣植樹株提倡林業藉符十年樹木之計兼寓移轉氣候之功他日森林暢茂風景改觀豈僅材木不可勝用將亦吾濟大利之源也歟

